

DIE XXVI. JULII.

S. ANNÆ MATRIS B. MARIÆ VIRGINIS.

TOTUM DUPLEX.

Oratio.

DEUS, qui beátam Annam, Genitricis tuæ matrem, ad cæléstis vitæ gáudia extulisti : fac nos, quæsumus, gloriósis ejus méritis ad ætérnam pertíngere beatitúdinem ⁊ ex cujus salutári puerpério, pro salute mundi, humánam natúram assúmere dignátus es : Qui vivis.

DIE XXVII. JULII.

B. AUGUSTINI DE BUGELLA CONF. ORD. PRÆD.

DUPLEX.

Oratio.

DA nobis, quæsumus Dómine Jesu, beáti Augustíni Confessóris tui méritis et imitatióne, ita carnis desideria per pœniténtiam exstíngere ⁊ ut in tua semper grátia et cognitióne crescámus : Qui vivis.

DIE XXVIII. JULII.

B. ANTONII AB ECCLESIA CONF. ORD. PRÆD.

DUPLEX.

Oratio.

DEUS, qui beátum Antónium Confessórem tuum divíno amóre inflammásti : accénde, quæsumus, eo intercedénte, in córdibus nostris ignem tuæ caritátis ⁊ ut, te diligétes in terris, gáudiis ætérnis perfruámur in cælis : Per.

DIE XXIX. JULII.

S. MARTHÆ VIRGINIS.

DUPLEX.

Oratio.

EXAUDI nos Deus salutáris noster : ut, sicut de beátæ Marthæ Vírginis tuæ festivitáte gaudémus ⁊ ita piæ devotiónis erudiámur afféctu : Per.